

RMDM ANALAMANGA

Ravao ny HCC sy ny CENI, hiaraha-midinika ny ho mpikambana vaovao

NANA FANAMBARANA MOMBA NY RAHARAHAM-PIRENENA OMALY, TENY BEL' AIR AMPANDRANA, NY RODOBEN' NY MPANOHIRA: RMDM ANALAMANGA, TARIHAN' NY FILOHANY TSIRY RATSIMBA-HARIMANGA. NASONGADIN' IZY IREO NANDRITRA IZANY, FA TOKONY HO RAVANA NY HCC SY NY CENI ARY HIARAH-A-MIDINIKI NY HANDRAFETANA NY HO MPIKAMBANA VAOVAO AMIN'IREO ANDRIM-PANJAKANA ROA IREO.

Manoalona ny raharaha-pirenena ankehitriny dia tsy afaka ny hitazam-potsiny izahay ato anatin'ny RMDM Analamanga, amin'ny maha mpanara-maso ny fainam-pirenena anay ,amin'ny maha mpisehatra ara-politika, mpitondra vahaolana ary mpitsikera ny tsy fetezana misy eo amin'ny fitantana ny raharaha-pirenena amin'ny ankabobeny. Ny vahoaka no tompon'ny fahefana, izay nampindraminy ny mpitondra tamin'ny alalan'ny fifidianana, ka rariny ary addin'ny olom-pirenena tsirairay ny manara-maso ny raharaha-pirenena ary mitaky ny tamberin'andraitra amin'ireo olona nampindraminy izany fahefany izany. Noho izany dia, manao izao fanambarana izao izahay: mila ny fiaraha-mientan'ny olom-pirenena isan'ambatongany ny fametrahana ny fampandrosoana eto amin'ny firenena. Tsy ho tonga amin'izany velively anefika raha mbola miharihary ny fahitan'ny olom-pirenena tsirairay fa tsy mipetraka ilay tany tan-dalana, ilay fitondrana tsara tantana, vonona ny hitsinjo marina ny tombontsoa iombonana. Tsy ho tonga velively amin'izany fahavitrihan'ny olom-pirenena isan'ambatongany izany isika raha toa mbola mahatsapa ny tsirairay, fa voahosiosy ny safidiny amin'izay olona tiany hitantana ny firenena. Tsy ho tonga amin'izany isika, raha toa mbola mahita ireo sarambabem-bahoaka, fa gaboraraka ny fitantanana ny volam-bahoaka sy ireo harena voa-janahary iombonana. Tsy ho tonga amin'izany isika, raha toa ka atao fialokafana hanatanterehana asa ratsy sy fanodinkodinana ny harem-pirenena ny ahazoana fahefana. Tsy hipetraka ny fitoniana ara-politika, raha toa ka asiana fiandaniana ny fampiharana ny lalana velona eto amin'ny tany sy ny firenena. Manjaka ny ramatahara isan-karazany sy ny fanagadrana an'ireo olona tsy mitovy firehan-kevitra amin'ny mpitondra, raha toa ka malalaka kosa izany amin'ireo mpiara-dia aminy. Mitaky izahay ny hamoahana ny marina mikasika ireo raharaha nafana niseho teto amin'ny firenena izay mila valiny avy amin'ny mpitondra (raharaha ecran plat, raharaha bonbon sucette, raharaha volamena 73Kg, raharaha volamena 36Kg, raharaha fanondranana zava-mahadomelina, raharaha Anjozorobe, raharaha Ankazobe, raharaha Antsakabary, raharaha solika, raharaha Ikongo, sns... Mitaky ny hanehoan'ny mpitandro filaminana, mba ho tena Tandroka aron'ny vozona marina, tsy hiditra ao anatin'ny raharaha politika, fa hijanona ho mpiaro ny vahoaka sy ny fananany. Vahoalana iray tsy maintsy hapetraka ny fanatanterehana ny fididianana ao anatin'ny fangaraha-rana tanteraka ary hiaraha mamolavola sy mifampidinika ary manatanteraka ny hanatsarana izany. Mila mipetraka ao anatin'ny tsy fiandaniana (neutralité de l'administration), ary mame-



Ireto avy amin'ny RMDM Analamanga.

traka ny fahamarinana ireo rafitra rehetra iankinan'izany fididianana izany, mba hisian'ny antoka ho an'ny vahoaka tompon'ny fahefana. Efa mameetraka sahady aty amboaloahany izahay, fa tsy mandeha araka ny tokony ho izy ny fanatanterehana io fanitsiana ifotony ny lisi-pididianana io (Refonte de la liste electorale). Maro ny lesoka efa hita sahady ary tsapa fa kitoatoa tsy ao anatin'ny fenitra takiana amin'izao fidaivana ny fahamarinana eo amin'ny lafiny fididianana izao ny zava-misy. Mitaky ny handravana ny HCC sy ny CENI, ka hiaraha mifampidinika ny hametrahana ireo mpikambana vaovao. Mitaky ny hididianana ny filoham-pokotany, mba ho tena Tomponandraikitra marina eny ifotony. Tsy tompon'ntoka amin'izay mety vokany haterak'ireo lesoka izahay, ka miala nenina ny tokony hirosoan'ny fitondrana ao anatin'ny "Concertation nationale", izay hany lalana hahafahana mandamina ny firenena, sy antoka hirosoana ao anatin'ny fididianana: madio, mangarahara, ary eken'ny rehetra. Miantso ny vahoaka rehetra ho mailo, ka hanara-maso amin'ny antisipirany ny fanavaozana ifotony ny lisi-pididianana ary mamporisika ny tsirairay hisoratra anarana, mba hahafahana miheno ny safidy amin'izay olona tiany hitantana ny firenena ary ho fanehoana ny fitiavan-tanindrazana. Firenena iarahara-manana ny firenentsika, ka tsy misy hanana tombontsoa ny hisian'ny korontana sy ny savorovoro. Manainga ny FFKM, sy ireo Ray amandreny ara-panahy, ny Fiarahamonim-pirenena, ny communauté internationale, handray ny andraikiny manoloana ireo fitakiana rehetra ireo, mba ho tombontsoa iombonan'ny vahoaka Malagasy rehetra tompon'ny fahefana sy ny Tanindrazana : Ho an'ny tanindrazana sy ny tombontsoan'ny vahoaka Malagasy."


Nangonin'i Helisoa

Mpiandraikitra foibe FJKM

Miantso ny mpitondra hampanjaka ny fahamarinana

Nivory tetsy amin'ny CFD Ampandrana tamin'ity herinandro ity, ny mpirandrainkitra foibe ao amin'ny Fianganan'i Jesoa eto Madagasikara (FJKM). Nisy ny fanambarana na-taon'izy ireo tao aorian'izany:

"Manainga ny mpitondra fanjakana hampanjaka ny fahamarinana sy handray andraikitra manoloana ny fahantrana lalina, ny tsy fandriampahalemana, ny fanaovana tantly afadrakota ny harem-pirenena, ny fiparitahan'ny zava-maha-domelina ary ny fandorana tanindrazana, izay mahazo vahana eto amin'ny fire-



nentsika ankehitriny. Miantso ny rehetra hifampihaino, mba hisian'ny filaminana sy hampanjaka ny fahamarinana, in-drinda amin'izao anka-

toky ny fididianana eto amin'ny firenena izao ary samy handray andraikitra, mba ho madio sy mangarahara izany fididianana izany." Nitondra izany ha-

fatra izany ny filohan'ny FJKM: Dr Irako Andriama-hazosoa Ammi, mpitandrina filohan'ny mpian-draikitra foibe.

Nangonin'i Isambilo

Ny Valosoa sy fakafaka

Miaina ny fanjakan'i Baroa ny firenena Nampanginina ny raharaha "Depiote Vola Baoritra" sy hazo sarobidy

Maneho miharihary fa mizotra ao anatin'ny fanjakan'i Baroa ny fitantanam-pirenena ankehitriny. Niezaka ihany ny manamafy izany ny fitondrana, tamin'ny fanapahan-kevitra nanala amin'ny toerany ny minisiry ny raharaha-bahiny iny andro vitsy lasa izay. Fepetra noraisin'ny fitondrana taorian'ny fanehoan-kevitri Madagasikara tamin'ny fanaovantsonia momba ny raharaha Russie nanao fitsapan-kevi-bahoaka amin'ireo tanana efatra lehibe any Ukraine. Na inona fanazavana sy fepetra noraisina, ny voalaza fa fanapahan-kevitri lay minisitra samirery momba izany fa tsy itovian'ny filohan'ny Repoblika hevitra aminy, dia maneho mazava ny fision'ny manam-pahefana samihafa, fa tsy tokana amin'ny tranga iray amin'ny raharaha-pirenena. Tsy vao tranga indray mandeha iny teto amin'ny firenena iny, fa nahatarafana izany teo aloha, fa ity fitondrana Rajoelina ity dia ambara mandrakariva eto amin'ny gazety, fa amin'ny lamba rovitra omby tondro tsy taitra, fa efa omby loha vao mikoropaka sy miseho mandray fepetra hatrany. Anisan'ny tranga niseho ny momba ny raharaha fandrarana ny het-siky ny antoko Tim teny amin'ny Magro. Tamin'izany no nisian'ny tsy fitovian-kevitra teo amin'ny prefet an'Antananarivo sy ny « mpitandro filaminana » tammin'ny fepetra noraisina. Ny iray lazaina ho tompon'ny fitantanana an'Antananarivo amin'ny resaka toy izany, namela azy hiditra ao amin'ny foiben-toerany izay manokana mba hivory, fa tsy mahazo mi-voaka ny toerana, ny mpitandro filaminana tsy namela mihitsy hiditra ary metatra maro miela ny toeran'i Magro dia nodidininy avokoa. Toy izany koa no nitranga tany amin'ny faritra samihafa, ka anisan'ny nisongadina, ohatra ny tany Toliora, izay saika ho nanamarahan'ny filoha Ravalomanana ny tsingerin-taona nahaterahany. Niseho lany ireo sakana toy izany nahazo ny antoko Tim tany amin'ny faritra samihafa. Efa nanomboka nipoitra ilay endriky ny fanjakan'i Baroa sy efa nahazo vahana. Manampy izany, mitranga matetika ny fanamparam-pahefana ataon'ny olon'ny fitondrana sasany. Tsy nampiraika ny filohan'ny Repbolika izany, fa an-gamba ilay politikan'ny fitondrany mety aminy tsara. Dia ireny nipoaka mafy nataon'ny minisiry ny raharaha-bahiny ireny vao mikoropaka. Raha tsy sanatria efa kopaka isasahana izany sy niarahanahany, fa misy indray ny sinemà araka ny hevity ny olom-pirenena maro. Tsy azo atao ambanin-javatra izany fiheverana izany, fa efa milasitra ao antsain'ny maro noho ny fahitana ny zava-mitranga hatrany eo raharaha-pitanjana ny firenena. Tsy azo disoina izy ireo amin'izany, fa anjaran'ny fitondrana no mieritreritra lalina raha mbola manam-potoana hieritreretana handinihan-tena hanovana ny fomba fiasa. Iny raharaha farany teo anivon'ny Firenena Mikambana iny aloha dia efa rano raraka tsy azo raofina intsony ary asa raha ho « voatsabo ». Ny tranga hiseho manaraka indray no andrasana. Ankoatrizany, ilay depiote ao amin'ny Boriboritany faha-2, ilay ambaran'ny maro ihany koa hoe : depiote vola baoritra, na depiote nitondra vola tamin'ny baoritra dia nambaran'ny filohan'ny Antenimierampirenena Christine Razanamahasoa ny talata teo, fa aoka izay tsy nanota no hitora-bato azy. Izany dia midika ny fanohananty filohana andrimpajakana ity ny tsy maty manota, fanjakan'i Baroa marina no misy sy ampiainan'izao fitondrana Rajoelina izao ny vahoaka Malagasy. Tokony hanokatra fanadihdiana ny eny Tsimbazaza ny amin'ny nanaovany aferana hazo sarobidy farany teo ireny, ka ny mpampily indray no nidoboka am-ponja, fa ity olom-boafidy ity, izay nanao fahazoan-dalana tsy ara-dalana toa mangingina ny raharaha momba izay amin'izao fotoana.

Sôh'son